



## **REGULAMENTO RUNRUNVIGO 2023:**

### **1.- PROBAS:**

PROBA	*DATAS PROVISIONAIS
Subida ao Castro	29/01/2023
Carreira do Calvario	26/02/2023
Carreira popular 10K de Teis	12/03/2023
Medio Maratón Vig Bay	26/03/2023
Carreira da Cereixa	16/04/2023
Carreira Praia de Samil	17/05/2023
Carreira Nocturna Correndo por Vigo	10/06/2023
Carreira Nocturna de San Xoán	23/06/2023
Vigo Contra el Cáncer	15/10/2023
Media Maratón de Vigo	05/11/2023
Vigo+11	12/11/2023
Carreira solidaria Érguete e corre	03/12/2023

\*Se por calquera causa algunha das probas non se celebra ou non cumpre cos criterios establecidos para formar parte do circuíto, o Concello de Vigo terá a potestade de integrar no circuíto unha proba alternativa, ou reducir o nº de probas que o conforman.

### **2.- CATEGORÍAS PARTICIPANTES E CLASIFICACIÓNS:**

Femininas	Masculinas	Ano de nacemento
F-1	M-1	Entre 1984-2003 (ambos incluídos)
F-2	M-2	Entre 1974-1983 (ambos incluídos)
F-3	M-3	Entre 1964-1973 (ambos incluídos)
F-4	M-4	Entre 1959-1963 (ambos incluídos)
F-5	M-5	1958 ou anteriores

- Os/As atletas quedarán inscritos **a efectos de clasificación no circuíto** por ano de nacemento.
- O/A atleta que, a nivel federativo, por cuestións relacionadas coa súa data de nacemento, cambie de categoría en parte das probas, puntuará, a efectos do circuíto, na categoría que lle corresponda por ano de nacemento.
- **Os/As atletas das categorías 2, 3, 4 e 5 poderán competir na categoría 1 unicamente se o solicitan por escrito á organización do circuíto (vide@vide.es) antes da celebración da segunda proba do circuíto, computando os puntos na nova categoría a partires dese momento.**
- **Clasificación de equipos:** Haberá unha clasificación final por equipos. Os equipos interesados en participar nesta clasificación, deberán remitir á Fundación Vide unha solicitude de participación nesta clasificación, co listado de atletas (Nome, apelidos e dni) que queiran que puntúen nela. Teranse en conta os puntos acadados polos/as atletas tras a súa inscrición no equipo. O prazo para inscribir atletas nos equipos rematará o día de peche da inscrición na segunda carreira do circuíto, momento no que quedará pechada a configuración de todos os equipos. En caso de empate na clasificación, teranse en



conta, neste orde, os seguintes criterios:

- Maior número de atletas femininas inscritas no equipo.
- Maior número de mellores postos.
- Suma de puntos de atletas femininas.
- Número total de compoñentes do equipo.
- **Clasificación ponderada:** Elaborarase unha clasificación compensada masculina e unha feminina.

### **3.- INSCRIPCIÓN NO PROGRAMA MUNICIPAL “CIRCUITO DE CARREIRAS POPULARES RUNRUNVIGO 2023”:**

- **Automática:** Os/as participantes inscritos/as en calquera das probas quedarán incluídos automaticamente no circuíto RunRunVigo 2023 salvo petición contraria escrita dirixida polo/a atleta á organización do circuíto.
- **Gratuíta:** A inscrición no circuíto é gratuíta.
- **Independente:** A inscrición no circuíto RunRunVigo 2023 é independente da que se realiza en cada unha das probas. Polo tanto, independentemente de estar inscritos no circuíto, o/a atleta deberá formalizar a inscrición en cada unha das probas segundo as normas específicas de cada unha delas.

### **4.- PUNTUACIÓNS DAS PROBAS:**

Os e as participantes no circuíto irán conseguindo puntuacións en cada unha das probas, as cales irán sumándose. A puntuación sairá da clasificación particular por categoría dos inscritos no circuíto segundo os postos en cada proba do circuíto.

PUNTUACIÓNS POR PROBA		
	Dist. Longa	Dist. Curta*
1º clasificado/a	250 puntos	120 puntos
2º clasificado/a	200 Puntos	90 Puntos
3º clasificado/a	150 Puntos	75 Puntos
4º clasificado/a	125 Puntos	60 Puntos
5º clasificado/a	100 Puntos	50 Puntos
6º clasificado/a	90 Puntos	45 Puntos
7º clasificado/a	80 Puntos	40 Puntos
8º clasificado/a	75 Puntos	35 Puntos
9º clasificado/a	70 Puntos	30 Puntos
10º clasificado/a	60 Puntos	20 Puntos
11º-15º clasificado/a	35 Puntos	15 Puntos
16º-20º clasificado/a	30 Puntos	8 Puntos
21º-50º clasificado/a	20 Puntos	5 Puntos
51º-150º clasificado/a	15 Puntos	3 Puntos
151º-300 clasificado/a	8 Puntos	2 Puntos
301º-600 clasificado/a	5 Puntos	1 Punto
601º-900 clasificado/a	3 Puntos	1 Punto
901º-1200 clasificado/a	2 Puntos	1 Punto
>1200 clasificado/a	1 punto	1 punto

\*As carreiras que desenvolvan dúas distancias competitivas cronometradas mediante o sistema de chip a través da plataforma oficial, terán unha dobre clasificación a efectos do circuíto, de forma que os/as atletas que participen nas distancias curtas puntuarán segundo o establecido na táboa.

### **5.- CONTROL E XESTIÓN DE RESULTADOS:**

O Control e xestión dos resultados das probas estará centralizado a través dunha



plataforma única. O Concello de Vigo, actualizará as clasificacións cos datos aportados por cada unha das probas, e publicará a clasificación.

## **6.- PREMIOS FINAIS POR CATEGORÍAS:**

6.1.- Os premios en metálico ós/ás gañadores/as do circuío outórganse con independencia dos que cada unha das probas entrega ós mesmos.

Categorías*	1º Clasificado/a	2º Clasificado/a	3º Clasificado/a
F-1 e M-1	300,00 €	200,00 €	100,00 €
F-2 e M-2	300,00 €	200,00 €	100,00 €
F-3 e M-3	300,00 €	200,00 €	100,00 €
F-4 e M-4	300,00 €	200,00 €	100,00 €
F-5 e M-5	300,00 €	200,00 €	100,00 €

\*Para ter dereito ó premio metálico, o/a atleta deberá ter rematadas como mínimo 8 probas, e a categoría deberá contar cun mínimo de 5 atletas inscritos/as que remataran polo menos 7 probas. Nas categorías F-3, F-4, F-5 e M-5, as/os atletas deberán ter rematado polo menos 6 probas, aínda que non haberá participación mínima esixida na categoría para optar ós premios en metálico. A estes importes aplicaranse as retencións obrigatorias por lei.

- Criterios de desempate: En caso de empate, utilizaranse os seguintes criterios no orde que se detalla en caso de persistir o empate:
  - 1º criterio: Nº de probas rematadas ó final do circuío.
  - 2º criterio: Nº de probas gañadas.
  - 3º criterio: Mellor posto na derradeira carreira do circuío.

6.2.- Premio mellor equipo do circuío RunRunVigo:

A organización outorgará o trofeo ó mellor equipo do circuío. Na clasificación de entidades, irán computando os puntos que consigan os e as atletas de cada un dos equipos inscritos formalmente segundo as condicións establecidas no apartado 3 deste regulamento.

6.3.- Premio clasificación compensada: O circuío outorgará trofeos ós e ás mellores 3 clasificados/as da clasificación compensada.

Ó remate do circuío, farase entrega nun acto de clausura do Circuío dos premios correspondentes ós gañadores e as gañadoras do Circuío RunRunVigo 2023 en cada unha das categorías.

## **7.- RECLAMACIÓNS:**

Os/As participantes no circuío terán 5 días naturais desde a publicación da clasificación de cada unha das probas para remitir por escrito calquera reclamación á dirección de correo electrónico: [vide@vide.es](mailto:vide@vide.es)

## **8.- INFORMACIÓN XERAL DO CIRCUÍTO RUNRUNVIGO:**



A información Xeral do circuito estará dispoñíbel en [www.vigo.org](http://www.vigo.org) , [www.runrunvigo.com](http://www.runrunvigo.com) , [www.vide.es](http://www.vide.es) e na web oficial da empresa cronometradora do circuito.

**9.- CANCELACIÓN DO CIRCUÍTO:**

Se por calquera circunstancia, non se celebraran un mínimo de 7 probas, o circuito quedará suspendido, quedando desertas as clasificacións finais.